

სამოქალაქო მრჩეველთა საბჭოს სხდომის

ოქმი N5

თელავის მუნიციპალიტეტის სოფ.წინანდალი

09 აგვისტო 2019 წ.

სხდომა დაიწყო: 12:00 სთ

სხდომა შეწყდა: 18:00 სთ

სხდომას ესწრებოდნენ:

1. შოთა ნარეკლიშვილი - თელავის მუნიციპალიტეტის მერი - საბჭოს თავმჯდომარე;
2. ნანა ათუაშვილი - ორგანიზაცია „World Vision“ კახეთის სამხარეო განვითარების პროგრამის მენეჯერი - საბჭოს წევრი;
3. ნინო პაატაშვილი - „საქართველოს საზოგადოებრივი ინტერესების დაცვის ასოციაციის“ წარმომადგენელი - საბჭოს წევრი;
4. ნიკოლოზ შარვაშიძე - „აღმოსავლეთ ევროპის ცენტრი მრავალპარტიული დემოკრატიისათვის“ რეგიონალური კოორდინატორი - საბჭოს წევრი;
5. ასმათ ღვინიაშვილი - ორგანიზაცია „World Vision“-ის სოციალური მუშაკი - საბჭოს წევრი;
6. სოფიკო ტაბატაძე - კოოპერატივი „თაფლიანის“ ხელმძღვანელი- საბჭოს წევრი;
7. ნინო შამანაური - საზოგადოებრივი გაერთიანება „ბემონის“ თელავის ოფისის სოციალური მუშაკი - საბჭოს წევრი;
8. დავით ღონღაძე - საზოგადოებრივი გაერთიანება „ბემონის“ თელავის ოფისის დირექტორი - საბჭოს წევრი;
9. კონსტანტინე დოლიძე - ა(ა)ი.პ. პროფესიული კოლეჯი „პრესტიჟის“ დირექტორი - საბჭოს წევრი;
10. თენგიზ კუკუნაშვილი - იაკობ გოგებაშვილის სახელობის თელავის სახელმწიფო უნივერსიტეტის სტუდენტური თვითმმართველობის პრეზიდენტი - საბჭოს წევრი;
11. ნინო ჭიჭიკოშვილი - თელავის მუნიციპალიტეტის მერიის იურიდიული სამსახურის სამართლებრივი უზრუნველყოფის განყოფილების უფროსი სპეციალისტი - საბჭოს წევრი.

სხდომას ასევე, ესწრებოდა თელავის მუნიციპალიტეტის საკრებულოს თავმჯდომარე არჩილ თხლაშიძე, თელავის მუნიციპალიტეტის მერიის ჯანმრთელობის დაცვისა და



სოციალურ საკითხთა სამსახურის ხელმძღვანელი გიორგი ენუქიძე, ახალგაზრდა ეკონომისტთა ასოციაციის წარმომადგენელი მარიამ ჯიბუტი.

სხდომის მდივანი: ქეთევან ასლანიშვილი

### დღის წესრიგი:

1. სახელმწიფო ზრუნვაში მყოფი და ზრუნვიდან გამოსული ახალგაზრდების საჭიროებების კვლევის შედეგების მოსმენა;
2. დასკვნების და რეკომენდაციების შემუშავება.

### მოისმინეს:

თელავის მუნიციპალიტეტის მერმა შოთა ნარეკლიშვილმა გასვლითი სხდომის ორგანიზატორებს და საბჭოს წევრებს მადლობა გადაუხადა მსგავს ფორმატში მონაწილეობისთვის. ახალგაზრდა ეკონომისტთა ასოციაციის წარმომადგენელმა მარიამ ჯიბუტმა განაცხადა, რომ მოხარულია თელავის მუნიციპალიტეტის სამოქალაქო მრჩეველთა საბჭოს ასეთი აქტიური მუშაობის და გამოთქვა მზაობა კონკრეტული შედეგების მისაღწევად საბჭოსთან მომავალშიც ითანამშრომლოს.

საბჭოს ერთ-ერთმა წევრმა ნანა ათუაშვილმა სამოქალაქო მრჩეველთა საბჭოს თავმჯდომარეს და წევრებს მისი ორგანიზაციის ერთ-ერთი პროექტის კერძოდ, ბავშვთა დაცვის ჯგუფის კონცეფციის გაცნობა შესთავაზა. საკითხი არ იყო გათვალისწინებული დღის წესრიგით, თუმცა წევრებმა მისი მოსმენის სურვილი გამოთქვეს. პროექტის პრეზენტატორმა ნატა ახალმოსულიშვილმა საბჭოს წევრებს გააცნო პროექტის შექმნის ისტორია, მიზანი, ჯგუფის მუშაობის სქემა. მან ასევე, ყურადღება გაამახვილა ბავშვთა დაცვის ჯგუფისა და თელავის მუნიციპალიტეტის კოორდინირებული მუშაობის აუცილებლობაზე. გარდა ამისა, ნანა ათუაშვილმა ისაუბრა აღნიშნული პროექტის კონკრეტულ მაგალითებსა და შედეგებზე. საბჭოს თავმჯდომარემ - შოთა ნარეკლიშვილმა განაცხადა, რომ საკითხთან დაკავშირებით საჭიროა უფრო მეტი დეტალის დაზუსტება, რომელიც უფრო ვიწრო შეხვედრის ფორმატში უნდა მოხდეს.

გარდა ამისა, საბჭოს წევრები შეეხნენ მომავალი წლის ჯანმრთელობის დაცვისა და სოციალურ საკითხთა ბიუჯეტში გასათვალისწინებელ ერთ-ერთ პრიორიტეტულ საკითხს, რომელზე საუბარი სამოქალაქო მრჩეველთა საბჭოს წინა სხდომებზეც მიმდინარეობდა. კერძოდ, ეს არის სახელმწიფო ზრუნვაში მყოფი (მცირე საოჯახო ტიპის სახლებში მცხოვრები) ბავშვების განათლებისა და სამედიცინო მომსახურების დაფინანსების საკითხი.



საბჭოს ერთ-ერთმა წევრმა ასმათ ღვინიაშვილმა განაცხადა, რომ თელავის მუნიციპალიტეტში არსებული ორი მცირე საოჯახო ტიპის სახლში სულ 16 ახალგაზრდა ცხოვრობს და მათი ერთ-ერთი მნიშვნელოვანი პრობლემა სტომატოლოგიური მომსახურების დაფინანსებაა. საბოლოოდ კი საბჭოს წევრებმა გადაწყვიტეს ჯგუფებში ემუშავათ და შეემუშავებინათ პროგრამის პროექტი, რომელშიც გათვალისწინებული იქნებოდა აღნიშნული კატეგორიის ბავშვების სტომატოლოგიისა და განათლების დაფინანსების საკითხი. ჯგუფების მუშაობის შედეგების შედეგად გამოირკვა, პროგრამის მიზანი და შინაარსი. კერძოდ, თითოეულ ბავშვზე წლის განმავლობაში გამოიყოს 500 ლარის ვაუჩერი, რომელიც მოიცავს ბავშვის სტომატოლოგიისა და პროფესიულ სასწავლებელში ჩაბარების შემთხვევაში მაღალი აკადემიური მოსწრების მქონე ახალგაზრდისთვის განათლების დაფინანსებას. საკითხი მერმა მოიწონა, თუმცა გარკვეული რეკომენდაცია გასცა. აღნიშნა, რომ თანახმაა თითოეულ ბავშვზე წლის მანძილზე გამოიყოს 500 ლარის ვაუჩერი სტომატოლოგიური მომსახურებისთვის. ხოლო რაც შეეხება პროფესიული განათლების დაფინანსების საკითხს, მზად არის მაღალი აკადემიური მოსწრების შემთხვევაში დაინიშნოს არა წლიური, არამედ სემესტრული სტიპენდია 500 ლარის ოდენობით. ასევე, აღნიშნა, რომ ორივე საკითხი გაიწეროს და ჩამოყალიბდეს ცალკე-ცალკე პროგრამად. მერის ამ რეკომენდაციამ მრჩეველების მოწონება დაიმსახურა.

საბოლოოდ, გადაწყდა, რომ შეიქმნას სახელმწიფო მზრუნველობის ქვეშ მყოფი (მცირე საოჯახო ტიპის სახლებში მცხოვრები) ბავშვების სტომატოლოგიური მომსახურების დაფინანსების მუნიციპალური პროგრამა.

სხდომის თავმჯდომარე

თელავის მუნიციპალიტეტის მერი



შოთა ნარეკლიშვილი

სხდომის მდივანი



ქეთევან ასლანიშვილი